



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelia Geographiae Veteris Et Novae

Parallelia Geographica Italiae Veteris Et Novae

Briet, Philippe

Parisiis, 1649

Nvm. 4. De Moribus Siculorum.

urn:nbn:de:hbz:466:1-13120

Pelorum,	Chorographo, centum sexaginta nouem Paff. Mil.
continet	Ptolemæo, centum sexaginta quinque Paf. Mil.
ex	Æthico, centum sexaginta nouem Paf. Mil.
AMBI-	Diodoro, quingenta quadraginta duo Paf. M. cum Paf. 500.
T V S	Posidonio, quingenta quinquaginta Paf. Mil.
T O-	Agrippâ, sexcenta decem & octo Paff. Millia.
T I V S	Plinio, quingenta triginta sex Paf. Millia.
S I C I-	Chorographo, quingenta octoginta nouem Paf. Mil.
L I Æ,	Ptolemæo, quingenta octoginta sex Paf. Mil.
continet	Solino, trecenta septuaginta quinque P. M. vel 400.
ex	Isidoro, trecenta septuaginta quinque M. P. vel 400.
	Thucydide, haud multo minor octo dierum circumnaviga- tione.

N V M. 3. De qualitate Sicilie.

FERTILISSIMA cereris & vini, vnde tota Cereri & Libero conser-
vata est Tullio, Diodoro, &c. Ideò Catō apud Ciceronem eam
cellam penariam Reip. & nutricem plebis Romanae dixit, immo & pro-
xario esse putauit. Tamen Lycophron in eius parte solitudines
admittit.

DIVES. Primò propter Oves & Armenta quibus plena erat; hinc
fabula de bobus Solis apud Hom. Odys. 9. & 12. Strabo ait pelli-
bus abundare. Secundò Melle quoque diues fuit Straboni & Apu-
leio, & quis mel Hyblæum nescit? Tertiò denique Croci, hinc
copia incredibilis elata est, vt videbimus in Admirandis.

POPVLOSA. Quinque in eâ fuisse Colonias & vrbes 63. tradit
Martianus Capella; immunes ciuitates apud Plinium lib. 3. legit
Pintianus 73. sed plures suggerunt Ortelius, & Cluuerius. Liuio
teste tempore 2. belli Punici 66. numerabantur: Diodorus ipse
Siculus Syracusis, & aliquot aliis omissis proponit 67. sed earum
pleraque defecerunt: nam Constantinus Porphyrogenetus ait
suo tempore tantum 22. stare, sed Panormum omittit tum Sarra-
cenorum Regiam, vnde probabile est alias prætermisisse.

N V M. 4. De moribus Siculorum.

DICACES erant in primis, & scommatis dediti Siculi, vnde

Gerræ Siculæ in Proverbum abiere Ciceroni. Authores fuere artis Oratoriarum, & Bucolici carminis, vt aiunt Aristoteles & Diodorus, catapultæ Plutarcho; illustratæ picturæ & tonsuræ Plinio.

Siculi suspiciosi sunt, inuidi, tetrici, ad contumeliam & vltionem faciles, principum assentatores, Tyrannidis amatores, & suo commodo quæcum publico addictiores, desides, nouitatis cupidi, &c. quæ congesta cum testimonii veterum leges apud Fazzellum prioris Decadis lib. 1. cap. 7. Item laetioribus epulis addicti erant Siculi, vnde abiit in Proverbum Σικελοὶ τραπέζα, & Συγγνωσία. Mensarum Sicularum meminere Athenæus lib. 12. Lucianus in Dialogis, Plato Polit. lib. 3. & alij. Præterea in coniunctiis suis pergræcabantur, vt ait Aristoteles, & meretricibus vacabant, vt innuit Plautus in Rudente.

NVM. 5. De populis qui olim Siciliam incoluerunt.

ANTIQUISSIMI populi Siciliæ fuere Cyclopes, Lestrygones Phœaces.

CYCLOPES principio Siciliam incoluerunt, sic Iust. lib. 4. vixere autem Cyclopes ad montem Æthnam; neque seminabant, neque metebant, sed frugibus sponte natis vescebantur, & lacte; speluncis pro domibus vtebantur, vt intelligitur ex Euripide in Cyclope. Gigantes erant, & eorum corpora multa effossa sunt in Sicilia, vt docet Fazellus, & dicemus in Admirandis libro sequente: quando autem desierint ignoratur.

LESTRIGONES Cycloibus adiungit Thucydides, sed ait nesciri vnde venerint: certè Plinius lib. 3. cap. 8. agros circa Leontinos vocat Lestrigonios campos. Aliqui tamen eos ex Italiâ educunt vbi habitarunt ad montem Circæum; eorum Rex Antiphæ fuit monstrum crudelitatis imperans hominibus barbaris, & feris. Hi quoque desierunt, aut exterminati sunt.

PHÆACES habitarunt in Hyperiâ, vt ait Homerus Odys. 6. sed vbi gentium hæc Hyperia? Vibius Sequester ait Camarinam ante Hyperiam appellatam esse; vixere ergo in parte Insulae Meridionali: de his iterum agemus in Melitâ Insulâ.

SICANI prædictis successere quorum Rex Cocalus fuit, sic Iustin. lib. 4. Venerunt autem ex parte Iberiarum ad Sicorim fluuium, vt tradunt Thucydides, & Diodorus, ac Insulam Trinaciam aut

O O O O iij